






V, 82.

2.417a



CVRIAM  
REGNITIANAM  
NON. NVLLO. IVRE  
HERMVNDVRORVM  
COGNOMINANDAM  
DISSERIT. XXXVIII

VT  
D. T. O. M  
IMPERIVM. FAVSTVM, ET, PERENNE  
SERENISSIMI. PRINCIPIS. AC. DOMINI  
D O M I N I  
CHRISTIANI. FRIDERICI. CAROLI  
ALEXANDRI  
MARCGR. BRANDENB. BVRGGR. NOR  
RELIQVA  
DOMINI. CLEMENTISSIMI  
QVA. DECET. PIETATE,  
DIE. X. MART. A. R. S. CIOCCCLXVIII  
ALEXANDRO  
SACRA. COMMENDATVRO. CVRIANO  
ADSINT  
CVRIAE. PROCERES. CIVES. Q  
HVMANISSIME. ROGAT  
PAVLLVS. DANIEL. LONGOLIVS



CVRIAE. REGNITIANAE  
EX. OFFICINA. HETSCHELIANA



## PARS II.

## QVAENAM HERMVNDVRORVM TERRA?

Tenuisse HERMVNDVROS aliquam terrarum partem, consentiunt plerique omnes, dissentiunt vero in regione. *Misniam* et *adiacentes provincias* potior pars iis assignavit. Fuerunt tamen et iam, qui *ultra Arctos versus* nunc *dextrorsum* nunc *sinistrorsum*, fuerunt, qui *versus meridiem* pariter *dextrorsum* *sinistrorsum*ue extenderent eosdem. Quibus rationibus, si quas adtulerunt, 1.) eorum quisque, iam videbimus.

## N. I.

Qui ad septemtrionem versus HERMVNDVROS ablegauere, diuertunt. Alii *vltris*, alii *cis Alhim*. Sed et hoc non est iter vnus diei. Iam igitur *Albis* ad *dextram*, proxime ad *sinistram* pedem tuum moueare.

## PENSVM I.

## AN AD ALBIS DEXTRAM?

## Index dictorum.

§. I. An in *Bohemia*?§. II. An in *Silesia*?§. III. An in *Lusatia*?§. IIII. An in *Misniam septemtrionali*?§. V. An in *Circulo Electorali Saxonico*?§. VI. An in *Anhaltia*?§. VII. An in *Marchia Brandenburgica*?

## §. I.

1.) Nullas autem adtulisse multos, *Miff. Saxon. Super. Part. I. Obseru. I. p. 13.*  
conquestus est Schoettgenius de Her-  
munduris §. X. in *Spicileg. Diplomat.*



## §. I.

Qui Albim in HERMVNDVRIS oriri volunt, 1.) non possunt non, quin, nisi omnem 2.) *Bohemiam*, 3.) saltem 4.) quae ad caput illius fluiui in Silesiae confinio aut tantum cis 5.) Gigantum iugum, 6.) atque adeo prouinciam *Reginobradecensem* vel et *Litomericensis* 7.) isti genti tribuant. Tribuit autem *Bohemiam* isti, ex quo eius opibus Cataualda pulsus fuerat, 8.) quidam. 9.)

## §. II.

Iam cum Albis fontes in illo montium iugo, quod *Bohemiam a Silesia* seingit, 1.) exsiliunt; aequae potuerint HERMVNDVRI eam 2.) inhabitasse. 3.) Adiacet autem isti iugo *Iauoricensis* 4.) prouincia

F ff 2

1.) De quo satis Partic. III. Part. I. huius Interfectionis §. V.

2.) In qua collocant eos Fabronius in Geograph. Hist. Cap. III. p. 124. et Ecardus de Orig. German. Lib. II. §. LXXI. p. 430. adeo ut Grotnitius in versione Taciti German. Cap. XXXI. HERMVNDVRIS explicationis loco adlinceret: *Teils Meißner und teils angegränzte Hähmen*, duce forsitan Willichio ad eosdem.

3.) Ne quis opinetur, HERMVNDVROS Bohemos fuisse, rationem reddit Andreas Mollerus in Epistola ad Quaelmalcium nuperrime in vtilissima Collect. Var. ad Hist. Saxon. Vol. I. Obs. III. p. 98. ex scrinio literario ab interitu vindicata.

4.) Ex sententia Alhameri et Butheri ad eadem Corneliana, Spangenbergii in Chron. Mansfeldens. Cap. XIII. Schmidii in Chron. Cygn. Part. I. Sect. I. Cap. III. p. 11. Lucae in Memorabil. Siles. Part. I. Cap. II. p. 21. et in Aula Princip. S. R. I.

P. III. Cap. I. p. 586. Goldasti de Rega. Bohem. Lib. I. Cap. III. §. II. cui comites dedit alios Schminkius sub §. p. 38.

5.) Vt visum Lucae citato Cap. I. p. 3. Memorab. Siles. Partis I.

6.) Quod contemplati fumus supra Cap. III. Sect. I. Int. I. Part. I. §. III.

7.) Quod quibusdam videri, refert Lucae in Aula S. R. I. Principum Part. III. Cap. I. p. 587.

8.) Teste Tacito in Annal. Lib. II. Cap. LXIII. n. 6.

9.) Is est Abellius in Antiq. Teuton. Cap. I. §. XVIII. p. 143.

§. II. 1.) Quod vel ex priori §. adparet.

2.) Vt voluerunt Thebesius Annal. Lignic. Part. I. Cap. I. §. I. pr. et Gundlingius in Atlant. Brandenburg. siue Hist. March. Brandenburg. Lib. I. Sect. I. §. V. p. 8.

3.) Ea de causa notatus fuit modo nominatus Gundlingius ab Abelio in Antiq. Teuton. Cap. II. §. XXIII. p. 427.

4.) Cuius nominis natales inquisit



uincia *Silesiae* inferioris. 5.) Nil refert, habitauerint hicce in perpetuum 6.) an per aliquod tempus. 7.)

## §. III.

Ab iisdem fontibus ad dexteram si defleatis septemtrionem versus *Silesiae* fines transgrediendo, intraueris *Lusatiam*. Hanc et HERMVNDVROVIS qui adsignant, deprehendi. 1.) Vageturne autem ii extra oleas?

## §. IIII.

Propior inde nato fluuio est pars *Misniae orientalis ad septemtrionem* spectans. Eam 1) HERMVNDVROVIS coluerint, si *Albis* eos interfluxit, 2.) aut ex dextra fluminis eiusdem ripa in sinistram aliquando transiere iidem. 3.) Quorum quid cui ariserit, is demum agrum *Bischofswerdensem* 4.) in finibus *Misniae Lusatiam* superiorem versus istis colendum diuiferit.

## §. V.

Beniamin Leupoldus de Iauriac Nomine atque Aetate. Magdeburgi 1757. in 4.

5.) Cui HERMVNDVROS adseribit idem iste Gundlingius.

6.) Qui ita censent, si nosse tanta voluptas, eos dabit huius nostri commentarii Cap. III. Sect. II. Interf. I. Part. I. §. V. n. 2.

7.) Hoc cernere sibi visi sunt Abellius n. 3. adpellatus et Schoettgenius de Hermunduris §. VIII. in Spicileg. Diplom. Saxon. Super. Part. I. Disf. I. p. 12.

§. III. 1.) Nempe Mollerum Theatr. Freiberg. Chron. Sect. I. Cap. II. p. 10.

et Gundlingium iam aliquoties excitatum.

§. III. 1.) Quam tamen excipit Cluuerius in German. Antiq. Lib. III. Cap. XXVIII.

2.) Quod redargui iam supra Cap. III. Sect. I. Int. I. Part. III. §. III.

3.) Ut existimauit Ancherfenius de Valle Herthae Part. I. Cap. III. §. LXXXI. p. 108. prouocatus iam supra Cap. III. Sect. II. Interf. I. §. VI. n. 4.

4.) Hunc tenuisse HERMVNDVROS, scripsit Hekelius in Bischofswerda sua Cap. II. p. 3. teste Dubrauius. Huius tamen Historiam Bohemicam perquirenti nihil obuenerit, quod huc faceret,



## §. V.

Id vero qui sibi persuaderi patiat, aut Semnones 1.) inter ac Albim collocauerit HERMVNDVROS, 2.) is protenderit eos in eam regionem, quae paret Principi cuicumque, qui splendet inter S. R. I. iam quidem Nouemuiros, Saxonum. Ea vulgo dicitur *Circulus Electoralis Saxonicus*. Non est, quod iterum edicamus, iam quidem nos versari in dextera Albis ripa. Eam enim nos in hac tabula premere, iam in eius fronte indicauimus.

## §. VI.

Eodem autem iure, si cui volupe, adscribat HERMVNDVRIS terram *Anhaltinam*, cuius *Torne* et *Dornburg* aliqua eius gentis vestigia 1.) prae se tulerint, modo si tanta horum locorum vetustas, Ego sane vadimonium non sisto.

## §. VII.

Hic saltem Albis suos HERMVNDVROS deposuerit, si Langobardi *Magdeburgica* et *Marchica* tenuerint. 1.) Hi enim illis erant vicini. 2.) Ibi igitur HERMVNDVRIS nulla erit res, omnium sane minime in *Marchia* illa *Brandenburgica*. 3.)

Fff 3

Secun-

§. V. 1.) De iis autem satis iam antea Cap. III, Sect. I, Interf. II, §. XVII. et XXIII. extr.

2.) Quo iure quae iniuria, est videre Cap. III, Sect. I, Interf. I, Part. III, §. III. extr.

§. VI. 1.) Qualia tibi adparebunt Cap. II, Sect. II, Interf. I.

§. VII. 1.) Quae eis vindicauit Cap. III, Sect. I, Interf. II, §. XVIII. extr.

2.) Cuius rei testes ibi n. 68. produxi idoneos.

3.) Quam iis adsignat, quod scio, nemo nisi Farnierius in Geogr. Orb. Notit. Part. I, Lib. III, Cap. V. p. 104.



Secundis autem auspiciis SERENISSIMI PRINCIPIS AC DOMINI, DOMINI CHRISTIANI FRIDERICI CAROLI ALEXANDRI Pieridum Franconicarum LUMINIS SPLENDIDISSIMI Musa nostra spem concipit amplissimam, fore, ut ex decem et sex annorum itinere per potiora Germaniae priscoe Hermundurorum gratia suscepto in portum, quem cupidissime respicit, referatur fesa,

cum verè rubenti

Candida venit auis longis inuisa colubris.

In die ALEXANDRI, quo nomine CLEMENTISSIMO PRINCIPI nullum gratius, ea exponet commoda, quae ex eo tempore, quo in tutelam Serenissimorum Burggrafiorum Norimbergae Hohenzolleranae flupis peruenit, redundarunt in Curiam eiusdemque Mineruam vberiori flumine, quoties Burggrafiatus Norici vtriusque summam summum Numen vni, ut cum maxime, dedit. La vero contigerunt sex principibus. Exsequetur hoc suscipiens vota pro incolumitate PATRIS patriae OPTIMI solida, post quam bini Curiani ciuium vltima verba fecerunt, laetum hoc capientes tempus, quo ad mercaturam pretiosarum artium proficiscantur, quas olim patriae carissimae cum fenore reddant.

IOANNES HENRICVS MOENCH a Patre Viro Probo cognomine in vicina Isfiga cauponam exercente ad classem tertiam Curianorum mittebatur quatuor abhinc annis et quod excurrit. Tam circumscriptum tempus adeo bene collocavit, qui, quod et iam custode remoto non impenderet libris vtilibus, omne periisse putaret, ut solito profundior meditationem quaelibet responsio spiraret aequae ac scriptio, qua res nulla tantum proficit ad dicendum iudice eius rei peritissimo Marco nostro, cuius *λυκός* Deus amabat. Hinc non tam cito ei docentes quidpiam commendabant discendum, quam is eosdem rogabat in auxilium. Auide festabatur, quae iuris studioso vtilia, longe tamen a vulgo disfidens, cui, quae Graeca, non leguntur, ad quorum *εξ* tantam peruenit exercitatione, ad quantum pauci, quos aequus




❁      ❁      ❁

quus amavit. Nec cesit optimo nostrum peritia Ebraicae  
Chaldaicaeque linguae, quam publice audire non contentus  
et iam priuatim ulterius excolere putavit esse suum, quod a  
se alienum imo alienissimum istud genus hominum habuerit  
parum prouidum futuri sero sapiens et profitens: O mihi  
praeteritos! Tantum autem adest, vt, qui in literis tam pul-  
chre profecit, in moribus deficeret, vt potius his doceret,  
quantum situm sit in ingenuo cultus diuini, ad quem egre-  
gie adtentus, sectatore. Quo igitur in Martinalibus anni  
MDCCCLXVII. *Deum nosse optimam esse scientiam* heroico car-  
mine canere poterat quisquam melius? Idem tamen et iam  
anno post in sollennibus D. PRINCIPIS, quem a. d. XIII.  
Calendas Februarias nobis ereptum lugemus, FRIDERICI  
CHRISTIANI nominalibus enarrabat sermone patrio *fata*  
*rei pecuniariae in Germania potiora* eo promptius, quippe cui  
*historia literaria, quam Iuris cultori adprime vtilem commen-*  
*dabit* togatus, qui aliquando in foro verisque litibus versa-  
bitur, si, quod plane confidimus, almae Salanae institutio  
bene ceserit, in deliciis.

IOANNES CHRISTOPHORVS BAVER gaudet Patre  
Viro Nobilissimo Ioanne Christiano, qui olim in Cu-  
riani alumneo aptus fuit inuentus, vt inde vocatus scho-  
lae Kozauiae superioris praeficeretur. Gaudet autem ado-  
lescens eo maxime, quod iste nactus egregias ingenii dotes,  
quas nec adhuc patitur senescere, Graecis Latinisque literis  
praesertim imbuerat hunc suum gnatum, vt secundanis adgre-  
gari potuisset, nisi pater secus, ac multi solent, consultius  
duxisset, in tertianorum superioribus tirocinium ponere,  
cum superflua, quae quibusdam videntur, non nocent, si  
fiat firmandae disciplinae. Eam vero tum stabili funda-  
mento manere, exemplo fuit fere per sexennium discipulus  
non facile patiens, vt praeceptoris dictum aliquod elabatur,  
qui ceras semper plenas domum reportabat. Erat igitur,  
qui redderet, cuius obliti erant negligentiores. Talem au-  
tem





tem se praestitit non solum in schola sed et in templo, vt  
praefagiamus fautorum gratia nutritum, cui parens haud  
sufficit, et ex cathedra Lutheri reportaturum incorruptam  
doctrinam, quam aliquando in summi Numinis gloriam pro-  
paget. Pro experimento fuit in Martinalibus anni **MDCCCLXVI.**  
carmen heroicum *de sapientia ex intuitu huius vniuersi con-*  
*spicua.* Ponderauit tamen et iam *pecuniarum commoda et*  
*incommoda* oratione Latina superiori anno. Iam vernacula  
exponet *usum diariorum eruditorum multorum, quibus ab im-*  
*proba censura pro viribus vindicatis* Deum omnis boni ditis-  
simum, qua par est, pietate implorabit, vt **SERENISSIMI**  
**PRINCIPIS** recentis imperium proroget in annos quam plu-  
rimos.

Hoc ego pro vobis, hoc vos optate coloni.





Yb 4473

1078

ULB Halle

3

006 302 904




20











B.I.G.

Farbkarte #13

CVRIAM  
REGNITIANAM  
NON. NVLLO. IVRE  
**HERMVNDVRORVM**  
COGNOMINANDAM  
DISSERIT. XXXVIII

VT  
D. T. O. M  
IMPERIVM. FAVSTVM, ET. PERENNE  
SERENISSIMI. PRINCIPIS. AC. DOMINI  
D O M I N I  
**CHRISTIANI. FRIDERICI. CAROLI**  
**ALEXANDRI**  
MARCGR. BRANDENB. BVRGGR. NOR  
RELIQVA  
DOMINI. CLEMENTISSIMI  
QVA. DECET. PIETATEJ  
DIE. X. MART. A. R. S. CIOICCLXVIII  
**ALEXANDRO**  
SACRA. COMMENDATVRO. CVRIANO  
ADSINT  
CVRIAE. PROCERES. CIVES. Q  
HVMANISSIME. ROGAT  
PAVLLVS. DANIEL. LONGOLIVS



CVRIAE, REGNITIANAE  
EX. OFFICINA, HETSCHELIANA